

## Tabell C-k

### Saker med særskild fordeling for kommunane 2019

Følgjande saker er gitt ei særskild fordeling innanfor innbyggjartilskotet i 2019:

Kol.	Sak	Beløp i 1000 kr
1	Inndelingstilskot	203 329
2	Trekk Nannestad og Ullensaker	-19 350
3	Helsestasjons- og skulehelseteneste	877 379
4	Utrekk avgiftslette differensiert arbeidsgjevaravgift	-59 082
5	Korreksjon kommunal medfinansiering statleg barnevern	-28 881
6	Forsøk med ny oppgåve- og ansvarsdeling i barnevernet	77 359
7	Uttrekks forsøk statleg finansiering omsorgstenestene	-1 078 607
8	Frivilligentralar	187 404
9	Overgangsordninga til kommunar som slår seg saman	302 826
10	Overføring av ansvar for AC Møller skule	1 600
11	<b>SUM</b>	<b>463 978</b>

#### Kolonne 1 – Inndelingstilskot

Inndelingstilskotet er ei kompensasjonsordning for kommunar som slår seg saman og skal kompensere kommunane for ein reduksjon i rammetilskotet som følgje av samanslutninga. Inndelingstilskotet kompenserer for bortfall av basistilskot og ein eventuell nedgang i distriktstilskot.

Inndelingstilskotet blir holdt på same nivå i 15 år og blir deretter trappa gradvis ned over 5 år. Inndelingstilskotet blir omtalt nærmare i innleiinga i Grønt hefte og i kapittel 18.2 i St.prp. nr. 64 (2001–2002) *Om lokaldemokrati, velferd og økonomi i kommunesektoren 2003*. I 2019 blir det gjeve inndelingstilskot til 12 kommunar (kommunane Re, Vindafjord, Aure, Bodø, Kristiansund, Inderøy, Harstad, Sandefjord, Larvik, Holmestrand, Færder og Indre Fosen).

Inndelingstilskotet til Re kommune er prisjustert og redusert med 60 pst. frå 2016 til 2019, som følgje av nedtrapping av tilskotet.

Inndelingstilskotet for dei andre kommunane er prisjustert frå 2018.

#### Kolonne 2 – Trekk Nannestad og Ullensaker

Nannestad og Ullensaker har i perioden 1993–2008 motteke finansieringsbistand i form av skjønsmidlar i samband med etableringa av Oslo Lufthamn, Gardermoen. Totalt har kommunane motteke 735,5 mill. kroner, der 387 mill. kroner skal betalast tilbake i 20 like store avdrag frå og med 2009. Dette blir gjort ved eit trekk i rammetilskotet til Nannestad og Ullensaker på høvesvis 7,43 og 11,92 mill. kroner årleg t.o.m. 2028. Trekket blir ikkje prisjustert.

#### Kolonne 3 – Helsestasjons- og skulehelseteneste

Regjeringa har styrkja helsestasjons- og skulehelsetenesta, inkludert jordmortenesta. I statsbudsjettet for 2014 blei det løyvd 180 mill. kroner innanfor veksten i dei frie inntektene, og beløpet blei auka til 455 mill. kroner i 2015, til 668 mill. i 2016, til 734,4 mill. kroner i 2017 og auka til 853,5 mill. kroner i 2018. For 2019 er beløpet prisjustert,

og utgjer til saman 877,4 mill. kroner. Midlane er føreslått fordelt til kommunane basert på talet på innbyggjarar i alderen 0–19 år, med eit minstenivå på 100 000 kroner per kommune.

#### **Kolonne 4 – Uttrekk – avgiftslette differensiert arbeidsgjevaravgift**

31 kommunar fekk avgiftslette som følgje av revidering av ordninga med differensiert arbeidsgjevaravgift frå 1. juli 2014. Kommunane blei difor trekte i rammetilskotet i 2015 tilsvarende beløpet dei fekk i avgiftslette (sjå Prop. 1 S (2014–2015) for Kommunal- og moderniseringsdepartementet for ein nærmare omtale av saka). Som varsla i kommuneproposisjonen for 2016 (Prop. 121 S (2014–2015)) vil trekket bli trappa ned over fem år. For 2019 er trekket frå 2015 prisjustert og trappa ned med 80 pst.

#### **Kolonne 5 – Korreksjon barnevern, uttrekk Oslo kommune**

I 2015 blei det lagt inn 160 mill. kroner i rammetilskotet som følgje av auka communal medfinansiering av det statlege barnevernet. Denne endringa gjaldt ikkje Oslo kommune, som òg har ansvaret for den statlege delen av barnevernet i Oslo.

Sidan det ikkje er mogleg å halde Oslo utanfor fordelinga av midlane, fekk Oslo om lag 26 mill. kroner gjennom kostnadsnøkkelen til dette føremålet i 2015. For at Oslo skal gå i null blei det lagt inn ein korreksjon på -26,012 mill. kroner i tabell C i 2015. Trekket for 2019 er prisjustert.

#### **Kolonne 6 – Forsøk med ny oppgåve- og ansvarsdeling i barnevernet**

Barne- og likestillingsdepartementet har frå 1. april 2016 sett i verk eit forsøk med ny oppgåve- og ansvarsdeling mellom kommunalt og statleg barnevern. Løyvinga til forsøket utgjer i 2019 77,359 mill. kroner, som er fordelt på dei kommunane som deltek i forsøket. Utrekninga som ligg til grunn for fordelinga blei gjort før forsøkskommunane blei valde ut og er den same som ligg til grunn for fordelinga i 2016, 2017 og 2018. Beløpet er prisjustert frå 2018.

#### **Kolonne 7 – Forsøk med statleg finansiering av omsorgstenestene**

Frå 1. mai 2016 ble det sett i verk eit forsøk med statleg finansiering av omsorgstenestene i seks kommunar. Forsøkskommunane får tilskot til omsorgstenesten som eit øyremerkt tilskot og ikkje som rammetilskot. Forsøket blir finansiert ved at midlane blir trekte ut frå forsøkskommunane sine innbyggjartilskot og overførte til kap. 761, post 65 på Helse- og omsorgsdepartementet sitt budsjett. Det er ein føresetnad at midlane som blir trekte ut av innbyggjartilskotet kvart år skal auke tilsvarende pris- og lønsauken og den delen av veksten i dei frie inntektane som skal kompensere for dei demografiske endringane. Midlane som blir trekte ut i tabell C auker som følgje av dette med 34,9 mill. kroner til 1 078,6 mill. kroner i 2019.

Dei seks kommunane som er med i forsøket vil bli inviterte til å delta fram til forsøket blir avslutta i 2022. I tillegg vil dei kommunane som dei eksisterande forsøkskommunane skal slå seg saman med bli inviterte til å delta. For nærmare omtale av forsøket sjå Prop. 1 S (2018–2019) for Helse- og omsorgsdepartementet.

Kommunar som deltek i forsøket, men som vedtek ikkje å fortsetje i forsøket etter 1. mai 2019, vil få tilbakeført uttrekket i innbyggjartilskotet i samband med revidert nasjonalbudsjett for 2019.

### **Kolonne 8 – Tilskot til frivilligsentralar**

Tilskot til frivilligsentralar vart innlemma i rammetilskotet til kommunane i 2017 og i 2018 vart det fordelt 169,9 mill. kr i tabell C. I 2019 blir beløpet frå 2018 prisjustert. I tillegg vil ytterlegare 7,4 mill. kroner bli fordelt til dette føremålet i 2019. Totalt 187,4 mill. kroner blir fordelt med ei særskild fordeling i 2019 til frivilligsentralar. Fordelinga tek utgangspunkt i fordelinga av det øyremerkte tilskotet i 2016. Det er tatt omsyn til etablering og avvikling av frivilligsentralar. Tilskot til frivilligsentralar blir innlemma i innbyggjartilskotet frå 2021.

### **Kolonne 9 – Overgangsordninga til kommunar som slår seg saman**

Kommunar som skal slå seg saman i kommunereforma, og som tapte på endringane i basistilskotet og småkommunetillegget i inntektssystemet frå 2016 til 2017, blir kompenserte for dette gjennom ei overgangsordning fram til samanslåinga trer i kraft. I 2017 var kompensasjonen ein del av skjønstilskotet til kommunane. Frå og med 2018 er overgangsordninga overført til innbyggjartilskotet, og midlane er gjeve ei særskild fordeling. Fordelinga i 2019 er ei vidareføring av fordelinga i 2018, men beløpet er prisjustert. Kommunar som slo seg saman frå 1. januar 2018 mottek ikkje midlar gjennom overgangsordninga i 2019, sidan desse kommunane mottek inndelingstilskot frå og med 2018.

Totalt utgjer overgangsordninga 302,8 mill. kroner i 2019.

### **Kolonne 10 – Overføring av AC Møller skule frå Statped til Trondheim kommune**

Etter avtale mellom Trondheim kommune og Kunnskapsdepartementet blir skuledrifta ved AC Møller skule overført frå Statped til Trondheim kommune frå skuleåret 2017/2018. Som følgje av dette blir rammetilskotet auka med 1,6 mill. kroner (halvårvirkning) i 2019, som gis særskild til Trondheim kommune. For statsbudsjettet for 2020 og 2021 blir helårvirkning av overføringa føreslått kompensert med ein auke i rammetilskotet på 3,8 mill. kroner årlig. Midlane vil i 2020 og 2021 bli fordelt særskild til Trondheim kommune. Frå og med 2022 vil midlane bli fordelt etter dei ordinære kriteria i inntektssystemet.

### **Kolonne 11 – Sum saker med særskild fordeling**

Summen av kolonnane 1–10. Talet er nytta i tabell 2-k, kolonne 3. Tilskota er lagde inn i inntektssystemet og er i hovudsak haldne utanfor utrekninga av inntektsgarantiordninga.